

Suliassat takussutissartaannik allamut nuunneqarnerat pillugu nalunaarut

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-meersumi § 87 naapertorlugu aalajangersarneqarpoq:

Suliassat takussutissartaat

§ 1. Akileraaruseriffimmi akileraaruserinermut suliassat 1. januar 2007-imi katersorneqarnissaanut atatillugu, akileraaruseriffimmut suliassat takussutissartaat makkua kommunit nassiutissavaat:

- 1) Ukiunut aningaasarsiorfusunut 2003-2005-imut nammineerluni nalunaarsuinerit paasissutissartai ilanngullugit.
- 2) 2006 aamma 2007-mut siuumoortumik nalunaarsuinerit pillugit paasissutissat.
- 3) Akileraaruserinermut attuumassuteqartunut uppersaanermi paasissutissat allat.
- 4) 2006-mi akileraarutinit A-nut unerartitat pillugit sukumiisumik nalunaarutit aamma tunngaviumik ilisimatitsissutit nassuiaatillu.
- 5) Suliassat paasissutissartallit tamaasa, ulloq 31. december 2006-mi suliarineqarneri naammassineqarsimanngitsut.

Imm. 2. Akileraaruseriffik suliassat takussutissartaasa nassiunneqarnerinut najoqqutassanik aalajangersaasinnaavoq, matumani ilanngullugu nassiussinermi piffissamik aalajangiineq, suliassat takussutissartaasa aaqquissuussiffigineri il.il.

Imm. 3. Suliassat takussutissartaat, akileraaruseriffimmut nassiunneqanngitsut suliarineqassapput aarlerinangitsumillu toqqortarineqarlutik. Suliassat takussutissartaasa taakkua toqqortarineqarnerannut pilersaarummik kommunit suliaqassapput. Pilersaarutit nuutinera akileraaruseriffimmut assileneqarnera nassiunneqartoq, minnerpaamik ukiumut ataasiarlugu malinnaavigalugu aaqquiffigineqartassaaq.

Imm. 4. Kommuninit toqqortarineqartut suliassat takussutissartaasa tunniunneri imaluuniit nassiunneqarnissaat pillugit akileraaruseriffiup qinnuteqaataa, qinnuteqaammi suliassaq aalajangersimasooq akileraaruseriffimmi suliarineqartoq pineqarpat kommunit akeqanngitsumik naammassissavaat.

Atortuulersitaanera

§ 2. Nalunaarut atuutilissaaq 1. januar 2007.

Josef Motzfeldt

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut